

Ta buscando un lugar estrategico pa muda

Hotelvakschool mester sali for di Bushiri Hotel

ORANJESTAD(AAN) -- Gobierno ta haciendo un sondeo pa mira unda lo ta e lugar mas estrategico pa establece Hotelvakschool. Informacion cu DIARIO ta dispone di dje ta muestra cu Hotelvakschool lo mester sali for di Bushiri Hotel.

Hotelvakschool di Aruba tin masha reconocimiento den exterior pa e forma con e studiantenan ta worde educa. Hasta tin studiantenan di exterior cu ta bin Aruba pa amplio nan conocimiento.

DIARIO por a compronde cu gobierno ta buscando un

lugar cu ta keda hopi estrategico caminda lo por facilita e studiantenan pa core pasantia na diferente hotel y asina haya e experiencia necesario. Na Bushiri Hotel e situacion ta ideal pasobra di biaha e studiantenan ta haya nan confronta cu turistanan pero awor cu Hotelvakschool mester sali, mester busca un situacion cu lo bay beneficia e studiantenan. Tabata ser menciona Stauffer Hotel cual ta un lugar hopi centrico entre e hotelnan pero aparentemente ta confrontando problema ya cu e cushina no

ta cuadra cu loke Hotelvakschool tin mester.

DIARIO a compronde cu tin un grupo di persona cu ta stu-

diando kico lo ta e mihor solucion pa Hotelvakschool.